

Ein vermanig

Kayserlicher Mayestat / sampt
aller Stent des Römischen
Reichs. Eines Heerzugs/
wider den pluttürstige
Türckhen zc. Und
ist in brüd Vey-
tenthon zu
singen.

AD BIBL.
UNIVERS.
MONAC.

Das liet seher das gauffe
Mlyorchen zu hantzen

Von Hans Sachs.

Herr Gott yn deinem reyche / jm aller
höchsten thron / Schaw an wie graußam
leyche / der Türck sacht wyder an / Verfolgt
die Christenhaite / mit gefencknus mort vn
prannt / Ytzund in diser zeytte / durch das
gantz Ungerlandt.

Das landt volck leydet notte / bis an das
Merher landt / Vō der streyffendē rochte /
Die alda hat verbrant / sibenzig dörffer
mere / Un alles volck darinn / an alle gegē
were / ermōrt gefüret hinn.

Vñ chut stet fürbas streyffen / ym ganzel
landt herauß / Und ist noch weyter greyf
fen / vñnd wo der gewaltig hauff / Eylents
hernach wirdt drücken / als ehr auch vor
mals hat / Beweyst mit hinderthücken /
zu Wienne vor der Stat.

Wo der im land erobert / die haubt stet
in der eyl / Und das geschoß erkobert so het
ehr den vortayl / Das ehr ganz Teutsches
lande / damit ellent verwüst / Mit morden
vnd mit prande / das Got erbarmen müst.

235
¶ O grossmechtiger Rayser / Karol der
Fünf mit nam / Ein gewaltiger rayser / vō
Kayserlichē stam / Erzaig Kayserlich mech-
te / an dem Türkischen her / Das die Chri-
sten durch echte / durch Kayserliche ehr.

¶ Erschwing das dein gesider / du tewter
Adaler / Durch des reiches gelider / nach
kuner Helldes ger / Würff auß des reiches
Fannen / samel ein here groß / Mit auß er-
welten mannen / zu fuß vnd auch zu Roß.
¶ Wach auß du heilige Reiche / vñ schaw-
den jamer an / Wieder Türk h graußsam-
leiche / verwüst die Ungreisch Kron / Sey
einig vnzutaylet / greyff capffer zu d wehr /
Ehe du werst übereylet / von dem Türkis-
chen her.

¶ O du loblicher Punde / yn schwaben thu
darzu / Auff das d Türkisch hunde / nich
weyter fressen thu / Wann es ist hoge zeyte
das man im Komē bey / On recht vnd pilig
Faite / treyst ehr groß thiranney.

¶ Ir durchleuchtigen Fürsten / ganz teijer

scher nacion. Lat euch nach ehren dürsten
 bringt Kayserlicher kron/ aus eurem Fürstes
 thume. Lyn raysing zeug zufelt. Erlanget
 preys vnd rume vor Got vn̄ vor der welt.
 ¶ Ir Landherren vnd Graffen secht wie
 der Türk gewint. Greyfft tapffer zu den
 waffen mit ewrem hoffgesindt. Kombt
 ynn dz her geritten zu Kayserlicher macht
 Das der Türk werdt bestritten erlegt mit
 grosser schlacht.

¶ O strenge Ritterschaffee ganz teutscher
 nacion. Ob ritterliche kraffte an Vngaris
 cher kron Beschütz wirwen vnd weysen
 als dir dan zugehört. Der ynn des Türkē
 raysen onzial werden ermört.

¶ Mach auß du teutscher Adel ynn ehren
 siet vnd vhest. An manheit herzt nye zadel
 thu ynn Vngren das pest. Erret die zarten
 scrawen vnd auch dy klainen kindt. Verde
 ermört zerhawen vom argen Türkhen
 blint.

¶ Ir Bischoff vnd Prelaten schickt auch

de ewren tayl Gedrayd volck vñ Ducaten 237
dem Christen volck zu hayl Hirten seyt ic
gesetzet der Christenlichen hert Die wirde
sehr hart geletzet vonn des thyrannen
schwert.

¶ Ir Reichstet all geleyche nū schicke auch
yn das felt Mit dem Rōmischen reiche/
mit geschoß puluer vñnd zelt Last ewer
mache erscheine jm Kayserlichen her Mit
fusfuolck vñnd nicht klaine erwerbet preys
vnd ehr.

¶ Ir Christlichen Regenten durch alle
Königreich In geystlich weltlich stenden
was Christen sind geleich Auf aller Tas-
cione wie yhr seyet genant Dem Bayser
thut beystane ein zug ins Ungerlandt.

¶ Frisch auf yhr reyters knaben manch
wunder künner man Lat ewre rösslein tra-
ben mit Bayserlicher kron Thut ewer
Glenken brechen mit der Türkische roth
Thut an den hunden rechen manch vns-
schuldigen tod.

¶ Wol auff yhr Haubtewot gute/nemet vil
 Lantznecht an/für sy mit freyem mut
 zu der Ungerischen Kron/Vnnd seyt gut
 anschleg machen/bey nacht vnd auch bey
 tag/fürsichtig in den sachen/das man dē
 Türcken schlag.

¶ Ir püchsen maister alle/nun rüst euch es
 ist zeyt/Inns Ungerlandt mit schalle/zu
 sturme vnd zu streyt/Lat ewre haupstuck
 hören/durch perg vnd tieffetal/Den Tür-
 cken zu verstoren/der sich regt abermal.

¶ Ir freyen Püchsen schützen/nun macht
 euch her bey Lat euch an Türcke nutze/mic
 puluer vnd mit pley/Lat euer hantgschiitz
 knellen/wol in des Türcken her/Ob yhr in
 möcht gefellen/erlangen preys vnd ehr.

¶ O yhr fromē Lantznechte/macht euch
 bald ynn das feldt/Des krieges habt yhr
 rechte/vor Got vñ vor der welt/Mit spieß
 vnd hellenparten/greyffet den Türcken
 an/Vnd thut sein tapffer warten/als yhr
 vor habt gethan.

¶ Spant an yhr lieben Pawren/die hera
wegen all sant/Lat euch kain mü nit tawa-
ren/zufüren die Prabant./Mit harnisch
wehr vnnd spiessen/die wegen nützt man
mehr/Ein wagenburg zu schliessen/vmb
das Kayserlich her.

¶ O kayserliches here/halt Christlich maß
vnd zyl/Clift zu trinck oder schwere/vnd
hüt dich vor dē spyl/kain strawen thu nicht
schenden/vnd nyin nyman das sein/Läß
dich kain geyz nicht blenden/leb deines
solds allain.

¶ Vnd läß Gott alles walten/dem Christē
volck zu schutz/Vnd trewlich zu erhalten/
das reich vnnd gmainen nutz/Vnnd das
Tewotsch vatterlande/zu retten yn der not/
All von des Türcken hande/vñ hoff allein
zu Gott.

¶ Vnd wirstu also leben/ynn dem Türcki-
schen krieg/So würdt Gott warlich ge-
ben dir vetterlichen sieg/Für dich geweltig
streyten/yn deiner grossen quel/Als er offt

240

het vor zeyten / seinem volck Israel.

¶ Ihr Christe außerkoren / rüfft ainmütig
zu Got / Das er ablaß sein zoren / helft uns
auß aller not / Verzeich vunns sind vnd
schulde / die der plag vrsachen / Geb vunns
genad vnd hulde / Nun sprech alle Amen.

¶ S. S.

¶ Gedrückt zu Regenspurg
durch Hannsen Rholl.